

福建通志

第貳拾肆冊
名勝

K295.7
1

福建名勝志卷 十八

龍溪縣

七星墩

在府署內見淳祐府志

臨漳臺

在府城內登高山之巔據溪山最勝處宋朱熹守漳日欲築廬

不果後守危積作龍江書院

半漳臺

在府城內登高山半宋郭祥正有詩云飛簷突兀壓林邱見盡

臨漳一半州以上見八閩通志

嶠臺

在府城西南十餘里圓山上見八閩通志

天慶觀井

在府城中相傳漳南水土薄惡初至者飲其水卽病惟此井

水極甘美且可辟瘴癘凡仕宦者至必先汲此泉數甕馳往迓之

石眼泉井

在府城北淨眾寺口相傳井初鑿深丈餘遇石盤堅不可入

一夕雷震口裂泉迸出故名

開元寺井

在府治西北開元寺登高山右今呼東井爲井泉第一

滿月池 在府治西北開元寺內昔人建亭其側

麗澤池 在府城中府學前東南通溪秋冬不竭已上俱見八閩通志

麗澤池 在府城中麗澤池旁俗呼斷蛙池宋朱子解經處以蛙鳴喧聒

作字投之今夏月無蛙聲見淳祐府志閩書

鹽倉池 在府治東馬坪街之左舊傳池有神物遇雲雨晦暝或騰躍而

出見八閩通志

預備倉池 尾姑池 巖壇井 八角大井 中心井 已上俱在府城

中見閩書

天宮井 在西湖天宮院見八閩通志

放生池 在府城南南山報勛崇福寺中廣六十餘畝見道光舊志

龍鬚山中井 在府城東南一二三都吳真君祠內其水同海潮消長相

傳真君煉丹取水於此見八閩通志

羅星池 在府城東郊池有七宋朱熹濬見淳祐府志

陳元光牧馬處 在城西北二十五都元光唐將軍見閩書

巡邏臺 在府城北揭鴻嶺唐陳將軍元光築見乾隆舊志

營頭亭 在府城北揭鴻嶺上唐陳將軍元光屯營處唐慕容韋有詩云

閩粵曾爲塞將軍舊置營我歌胡感慨西北望神京見閩書

自隱堂 在城南名第山唐周匡物讀書處匡物唐元和丙申進士高州

刺史漳人及第自匡物始見八閩通志明一統志

得仙亭 在城南名第山唐周匡物登第時同擢者三十三人有贈之詩

云元和天子丙申年三十三人同得仙亭之名蓋取贈詩語劉禹錫詩

有危亭誰結構山椒名第山人不可招之句見八閩通志閩書

周潘書堂 在城南名第山唐周進士匡物與潘侍郎存實往來讀書之

所見雍正舊志

齊雲閣 在府治西北開元寺之西宋淳祐間郡守黃朴更新之扁其門

曰紫閣青梯取蔡襄紫閣青梯壓翠岑詩語也

白雲亭 在城中開元寺宋蔡襄有詩

澤露亭 在府城中宋李亨伯守邕管遭母憂不許解官亨伯五上章哀請而後許明年甘露降其家庭柏上張商英爲文紀之名其亭曰澤露亭伯治平乙巳進士巳上俱見八閩通志

樂全亭 宋劉新州衍桂冠歸卽所居旁築亭名曰樂全與權知州事郭祥正徜徉其間衍治平乙巳進士見雍正舊志

黃彥臣宅 在郡城四桂坊彥臣宋治平丁未進士厯守莆汀建劍四郡贈少師見雍正道光舊志

瑞鵲堂 在府城內舊通判廳之東舊名風月宋熙寧九年通判柯述賑活饑民有二鵲棲其廳事比述去任鵲送之遂不復至紹興間通判林安宅與賓客會有飛禽中箭自戶入哀鳴安宅命去其箭傳以藥釋之猶若有所訴然安宅爲物色所射之人破其弩俾更業遂飛翔而去淳熙間通判李訖更名異鵲後更今名蘇軾賦有異鵲詩見八閩通志

正舊志

飛躍閣 在縣學內前有方池廣二十五丈神物潛焉每雷雨晦冥或噴

水上灑梁柱間舊名化龍淳祐間郡守黃朴改今名見八閩通志

顏師魯宅 在西清橋師魯宋龍圖閣直學士謚定肅見雍正舊志

歲寒堂 在府治內宋紹興間縣令陸竑建見八閩通志

植萱堂 在錄事參軍廳內宋紹興間郡守廖剛建見雍正舊志

先春亭 在府治內宋紹興間郡守李彌遜建見八閩通志

尊道堂 在郡學宋紹興中郡守李彌遜建以爲講堂

教授廳 在郡學後清漳門內鹽倉池西宋紹興二十六年朱熹爲同安

主簿以事至漳教授陳知柔請熹作題名記

仰止堂 在府學東偏宋紹興末教授陳知柔繪六一先生以下十餘像

祀之已上俱見雍正舊志

浴沂亭 在舊龍江書院外門隆壽山之右構亭池中扁曰浴沂

瑞荷亭 在府學內宋乾道元年泮水中有荷四葉同幹因以爲名已上
俱見八閩通志

王遇宅 在東湖遇宋乾道戶部右曹郎中學者稱東湖先生見乾隆舊
志

東湖草堂 在東郊外宋王郎中遇所居見道光舊志

南樓 在府治南舊爲州南城門樓宋淳熙五年郡守趙公綱建慶元二
年郡守傅伯成名南樓見八閩通志雍正舊志

喜雨樓 在府城中舊土城上舊名留觀閣宋淳熙間郡守黃啓宗改爲
觀南樓嘉定間郡守趙汝謫禱雨獲應因改是名教授敖陶孫書額見
八閩通志

月淵亭 在府城中舊淨眾院內見八閩通志名勝志

高明軒 在府城南周上人軒也見八閩通志

玉鶴樓 在州治內宋淳熙丁酉州治災郡守趙公綱方度地有白鶴自

空而下翔翔飛舞移時乃去堂成張公爲記見雍正舊志

水雲館

在府治東南隅俯瞰大溪群山環列拱揖蓋一郡勝處也宋郡

守傅伯成章大任先後重修後改建新橋館遂廢見八閩通志雍正舊

志

喜雨亭

在水雲館後

九區亭

在府治前宋紹熙中郡守朱熹建

君子亭

在府治後舊爲復軒宋紹熙間郡守朱熹建後爲月臺臺後爲

隱室其象圓窗端隨其方刻卦象後郡守趙汝謐卽舊址爲亭扁曰君

子

同樂堂

在府治內宋慶元間郡守趙伯溫建扁曰安靜嘉定中郡守趙

汝謐改今名

狀元亭

在府治內宋慶元中郡守陳樸建以館其壻曾從龍開禧間權

郡事倅章大任改今名已上俱見八閩通志

歸耕亭

在府城北宋慶元中楊承祖除知梅州年五十七祠歸築別墅

於保福隆壽兩山閒扁以福壽林塘中又有畎畝不忘君堂與前守傳

伯成少卿孫昭先爲真率會見名勝志雍正乾隆舊志

憩堂 在府治內宋嘉泰初郡守方鉉建堂之後舊鑿池蒔花歲久蕪穢

郡守趙汝謐命植樹數百株政暇與賓客遊賞

風月樓 在府治右宋嘉泰中通判留筠初取平分風月之意爲名郡守

毛宓有詩云君家自是爲霖手何止平分月與風

亦佳亭 在舊通判廳內宋嘉定四年郡倅黃之傳建之傳詩云小亭新

築亦佳哉花木無多手自栽

不欺堂 在縣治內宋嘉定五年縣令陳士會建

養源軒 壺境軒 二軒俱在縣治宅堂內宋嘉定五年縣令陳士會建

凌雲閣 在府城東鶴鳴山宋尚書顏頤仲建

天開圖畫亭 在府城東鶴鳴山之巔宋尚書顏頤仲歸老時建上倚巔

崖下瞰清溪宛然如畫故以名亭

尚書嶺亭 在府城南宋尚書顏頤仲建已上俱見八閩通志

碧玉千峯亭 在府城內西北隅登高山舊龍江書院後山頂舊有臨漳臺宋嘉定中郡守危稹撤臺構亭扁曰登高後守黃朴以犯先輩高登姓名易曰碧玉千峯取廖中丞剛碧玉千峯照眼開之語見八閩通志
閩書

譙樓 在府治西南累石爲基高二丈許而樓於其上宋嘉定中郡守方逢重建見八閩通志雍正舊志

雙門樓 在譙樓前百步許宋時建見八閩通志

陳淳宅 在城西北二十五都北溪上淳宋嘉定丁丑特奏名見閩書雍正舊志

留佩亭 在府城東二十六都宋嘉定閒通判鄭渙代去郡人攀留渙留

佩以爲別後人卽其地建亭扁今名

清心堂 小有亭 在舊通判廳內宋寶慶三年郡倅黃官建

湖心亭 在東湖舊有亭二曰東湖曰水閣後水閣壞中有亭曰綠護曰

道院曰夢月曰芳亭曰八角亭宋寶慶間郡守方琮重新之

龍江亭 在府城東宋寶慶間郡守方琮建

御書閣 在縣學內泮池之左宋紹定間知縣傅天驥建

飛鳧閣 在縣治左宋紹定間知縣蘇應衡因舊重建

盍簪亭 舊于城雲霄門之址也宋紹定間郡守李勳建士大夫之南遊

者館焉

瑞蓮堂 在府治內同樂堂之左宋端平中郡守趙以夫建

明德堂 在龍江書院內舊曰明善宋端平間教授陳大章易今名

觀政亭 在縣治內宋端平間縣令趙絳夫建

修教堂 在縣學大成殿後舊在殿東偏嘗易名玉振宋嘉熙間縣令黃

師雍遷今所仍其舊額

仰高亭 在府治西子城舊基舊名西山爽氣後改西眺又改舒嘯郡守方來修之更其扁曰仰高

經史閣 在縣學內泮池右宋淳祐開知縣陳子植建

平易堂 在府治後園宋淳祐六年郡守方來建

道源堂 在龍江書院之東宋淳祐六年郡守方來以朱文公嘗守郡郡人陳淳執經從遊令教授陳光大闢講堂之東爲屋四楹祀之中塑文公像旁塑北溪像以配取其授受之語名堂

交翠亭 在府治東宋淳祐六年郡守方來建

遠觀亭 艮光亭 清心亭 三亭俱在府治內郡守方來建

中亭 在府治後園宋淳祐六年郡守方來建自爲銘有曰忠恕有訓絜矩有方中以布政云何不臧

南園遠觀亭 在紫芝山頂宋淳祐開郡守黃朴建又闢其後爲亭曰流翠曰挹浮邱以通碧玉千峯亭已上俱見八閩通志

陳格讀書處 在府城東岐山上龍會洞格宋景定辛酉特奏名官監簿
見道光舊志

吳勳讀書處 在府城西南隅高亭山勳宋儒

溪光閣 在縣學之右有龍祠龍井龍亭

宣詔亭 頌春亭 二亭在雙門之左右俱宋時建

化龍亭 在隆壽山右浴沂亭前

序宦亭 在府城北已上俱見八閩通志

揖仙亭 在府城南七里石獅巖上

仙亭 在鶴鳴山宋郡人祭酒劉植建

臨雲閣 在郡城東鶴鳴山中

千佛閣 在開元寺毀後宋時進士題名於此

半漳亭 在登高山已上俱見雍正舊志

百草亭 意果園 俱在郡東白雲巖中見道光舊志

孝子亭 在郡南廂外爲元胡景清立景清五歲遭亂失母尋之四十年始獲邑人構亭立石以旌其孝見乾隆道光舊志

秋江亭 在府城內南隅元呂養浩俯龍溪建亭以其所自號而顏之曰秋江見八閩通志

清風館 在文山北元至正間林經歷廣發築偕二子弼原功讀書其中見乾隆舊志

梅雪齋 在府城內明林知府弼建弼棄官歸隱讀書其中

接官亭 在府城東明洪武三年知府潘琳建并建堂宇於亭北以爲候館已上俱見八閩通志

威鎮亭 在府城內西北隅登高山頂碧玉一峯亭之後明洪武中建重九日郡人多登高於此見八閩通志龍溪縣志

天問堂 明洪武閒鄭紀善深道宅堂也深道歸廩選天恩存問故名見乾隆舊志

陳真晟宅

在府城東二十八都坂尾山下真晟明永樂閒布衣見閩書

九龍嶺亭

在府城南十二都九龍嶺上明景泰閒知府謝騫建以憩行

者

保安亭

在府城東南明成化十九年知府姜諒因砌石堤以護城垣并

構此亭已上俱見八閩通志

林魁宅

在府城東二十九都白石山下魁明弘治壬戌進士見

閩書

鎮宣樓

在漳南道署內明弘治閒建

樂仁亭

在西門外明正德閒知縣史立誠建

思鄉亭

在東門外明正德閒知縣史立誠建已上俱見雍正舊志

牧愛堂

在府治內明嘉靖元年知府張鵬扁曰牧愛鄭善夫爲記見道

光舊志

蔡烈讀書處

在鶴鳴山雲洞中烈明嘉靖閒舉遺逸不應世稱鶴峯先

生見閩書

甘露亭 在登高山次峯明嘉靖十六年甘露降御史李光陽作表稱賀郡守孫裕建亭以志瑞見閩書雍正舊志

協夢亭 在登高山朱子祠左明嘉靖十六年郡守孫裕建先是孫裕夢朱子屬以遺事後守漳謁文公祠恍然曰夢有徵矣乃卽祠左建講堂三楹扁曰協夢見雍正舊志龍溪縣志

來翠軒 在登高山明嘉靖間御史王瑛建見雍正舊志

鳳報堂 在登高山麓明隆慶間張府丞廷榜別業見道光舊志

梅庄 在府城南南山寺之後明萬曆間張進士一棟別業庄內置石榻可坐數十人種梅千株見乾隆府志

丁愚宅 在府城東二十九都白石山下懋已明萬曆間隱居著述自號玉明子何喬遠劉洪謨嘗薦之於朝見閩書

威鎮閣 在府城東南隅亦名八卦樓明萬曆間知府羅霄建

文昌閣

在新橋頭明萬曆間知府韓擢建已上俱見雍正舊志

觀海樓

在新橋南明萬曆間知府韓擢建又旁有六松堂飛虹亭水月

亭青年洞橋西草堂諸勝

喜雨亭

在龍潭上明萬曆間知縣呂純如禱雨獲應里民爲建亭潭上

咒龍亭

在喜雨亭旁

丹霞巖別業

明林文穆針築有小西湖九曲水諸勝已上俱見乾隆舊

志

石雲窩

在鶴鳴山明林針讀書處

夕佳樓

在南山寺左明王侍郎志道別墅已上俱見道光舊志

郡山講堂

在郡東鄴山明學士黃道周講學處四方人士多從之遊中

有蓮萊峽遊雨巖芙蓉峽墨池研山黃巖洞石燕乳泉浮磬諸勝見雍

正舊志

慧聚山房

在慧山上明崇禎間陳太常天定買山種松讀書其中後祀